



Broj: 06-08-1-5-1/2025  
Sarajevo, 03.01.2025. godine

## SVI SUDOVI U BOSNI I HERCEGOVINI

N/r Predsjednika suda

**Predmet:** Novi Kriteriji za ocjenjivanje rada nosilaca pravosudnih funkcija u sudovima u Bosni i Hercegovini, *informacija dostavlja se*

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) je, na sjednici održanoj 08. i 09.11.2023. godine, donijelo zaključak da se u narednom periodu razmotre izmjene kriterija za ocjenjivanje rezultata rada nosilaca pravosudnih funkcija u sudovima i tužilaštvima, na način da se Analitička ocjena predvidi kao jedan od elemenata ocjene rada nosilaca pravosudnih funkcija u sudovima i tužilaštvima u Bosni i Hercegovini.

Shodno navedenom zaključku, VSTV BiH je na sjednici održanoj 18.12.2024. godine usvojio nove kriterije za ocjenjivanje rada nosilaca pravosudnih funkcija u sudovima i tužilaštvima u Bosni i Hercegovini, koji uključuju i analitičko ocjenjivanje. Što se tiče sudova, usvojeni su:

- Kriteriji za ocjenjivanje rada sudija u Bosni i Hercegovini;
- Kriteriji za ocjenjivanje rada predsjednika sudova u Bosni i Hercegovini.

Kriteriji su objavljeni dana 27.12.2024. godine u Službenom glasniku BiH (broj: 90/24), te su stupili na snagu danom njihovog objavljivanja. Novi kriteriji se primjenjuju na praćenje rada nosilaca pravosudnih funkcija od početka ove godine, s tim da će predsjednici sudova prvi put ocijeniti rad sudija prema ovim kriterijima početkom 2026. godine, uključujući i analitičko ocjenjivanje, u roku od 90 dana po zavšetku 2025. godine.

Također, novi kriteriji su objavljeni na internet portalu VSTV BiH:

<https://vstv.pravosudje.ba/vstvfo/B/141/article/143277>.

Na prethodno navedenoj adresi na internet portalu VSTV BiH, objavljeni su i obrasci potrebni za formiranje izvora informacija za ocjenjivanje i za provođenje ocjenjivanja rada nosilaca pravosudnih funkcija u sudovima, u skladu sa članom 27. Kriterija za ocjenjivanje rada sudija u BiH i članom 33. Kriterija za ocjenjivanje rada predsjednika sudova u BiH.

Nakon konsultacija VSTV BiH sa sudovima i udruženjima sudija o Nacrtima kriterija za ocjenjivanje rada nosilaca pravosudnih funkcija u BiH, koji su utvrđeni na sjednici VSTV BiH održanoj 15. i 16.05.2024. godine, u usvojenim kriterijima smanjen je broj bodova za element ocjene rada Analitički kvalitet rada i odluka - sa 0 do 30 na 0 do 10 bodova. Povećan je broj bodova za Statistički kvalitet odluka – sa 0 do 30 na 0 do 50 bodova. Za kvantitativne elemente ocjene rada predviđeno je 40 bodova, odnosno od 0 do 30 bodova za element ocjene rada Ostvarena orijentaciona norma i 0 do 10 bodova za element ocjene rada Realizacija plana rješavanja predmeta.

Skreće se pažnja predsjednicima sudovima da su odgovorni za organizaciju i nadzor nad provođenjem poslova od početka 2025. godine, u cilju pravilnog i blagovremenog formiranja svih izvora informacija za bodovanje od strane predsjednika sudova uspješnosti rada ocjenjivanih sudija po osnovu Analitičkog kvaliteta rada i odluka. Pomenuti izvori informacija su propisani članom 20. stav (2) Kriterija za ocjenjivanje rada sudija u BiH. U nastavku ovog dopisa apostrofiraju se obaveze predsjednika sudova u vezi sa provođenjem priprema za formiranje dva izvora informacija za analitičko ocjenjivanje rada sudija: Mišljenje predsjednika sudskog odjeljenja (u daljem tekstu: Mišljenje) i Informacija sudskog odjeljenja višeg suda (u daljem tekstu: Informacija).

Prije svega, predsjednici sudova su dužni da u saradnji sa predsjednicima sudskih odjeljenja bez odlaganja provedu aktivnosti za pravilnu primjenu novih kriterija u vezi sa formiranjem Mišljenja, shodno odredbama člana 6. i člana 20. stav (2) tačka a) Kriterija za ocjenjivanje rada sudija u BiH. Naime, navedenim odredbama Kriterija za ocjenjivanje rada sudija u BiH predviđeno je da se Mišljenje zasniva na kontinuiranom praćenju i analizi rada ocjenjivanih sudija kroz izvršavanje nadležnosti predsjednika sudskih odjeljenja predviđenih u relevantnom Pravilniku o unutrašnjem sudskom poslovanju. Mišljenje mora da sadrži obrazloženu i dokumentovanu procjenu uspješnosti u odnosu na podkriterije iz člana 20. stav (1) Kriterija za ocjenjivanje rada sudija u BiH.

Kada je u pitanju Informacija predviđena u odredbama člana 7. i člana 20. stav (2) tačka b) Kriterija za ocjenjivanje rada sudija u BiH, predsjednici žalbenih sudova su dužni da bez odlaganja provedu pripreme za primjenu odredbe člana 7. stav (5) Kriterija za ocjenjivanje rada sudija u BiH, kojom se reguliše način izdvajanja predmeta nižestepeni sudova sa vanrednim karakteristikama i način njihovog evidentiranja tokom perioda ocjenjivanja radi dostavljanja Informacije neposredno nižim sudovima na kraju ili neposredno po isteku perioda ocjenjivanja. Inače, shodno odredbi člana 7. stav (3) Kriterija za ocjenjivanje rada sudija u BiH, žalbeni sud dostavlja predmetnu Informaciju jednom godišnje sa spiskom predmeta sa vanrednim karakteristikama neposredno nižim sudovima najkasnije u roku od 15 dana po isteku perioda ocjenjivanja.

U skladu sa uobičajenom praksom, VSTV BiH će u narednom periodu donijeti Uputstvo za primjenu novih kriterija, a koje će nakon usvajanja biti objavljeno na internet portalu VSTV BiH, o čemu ćemo vas blagovremeno obavijestiti.

Prednje vam se dostavlja na znanje.

S poštovanjem,

Dostaviti:

- Naslovu,
- Svim sudijama;
- Udruženjima sudija;
- a/a.

The image shows a blue circular official stamp of the VSTV BiH (Bosnian Judicial Council). The stamp contains text in both Bosnian and Russian. The Bosnian text includes 'BOSNA I HERCEGOVINA', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE', 'SUDSKO TUŽILAŠKO VIJEĆE'. The Russian text includes 'БОСНА И ХЕРЦЕГОВИНА', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ', 'СУДСКО ТУЖИЛАШКО ВІЄЦЕ'. A handwritten signature in blue ink is written over the stamp, and the name 'Halil Lagumdžija' is printed below it. The title 'Predsjednik VSTV BiH' is also visible above the signature.